



Broj/Број: 01/6-50-1-8-10/08
Sarajevo/Сарајево, 3.6.2008. godine

Z A P I S N I K

10. sjednice Komisije za ostvarivanje ravnopravnosti spolova, održane 3.6. 2008.

Sjednici Komisije za ostvarivanje ravnopravnosti spolova (u daljnjem tekstu: Komisija), održanoj 3.6.2008., s početkom u 11 sati, prisustvovali su: Vinko Zorić, Jovan Todorović, Rifat Dolić, Mirjana Malić, Halid Genjac, Remzija Kadrić i Jozo Križanović. Odsustvo su opravdali Sead Jamakosmanović i Savo Erić.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

DNEVNI RED

1. Usvajanje Zapisnika 9. sjednice Komisije;
2. Izvještaj o učešću Mirjane Malić na Završnoj konferenciji parlamentarne dimenzije Kampanje Vijeća Evrope o borbi protiv nasilja nad ženama, uključujući nasilje u porodici, Beč, 30. aprila 2008., rasprava i donošenje zaključaka;
3. Imenovanje članova Interresorne radne grupe za izradu Strategije prevencije i borbe protiv nasilja u porodici, nasilja na osnovu spola, seksualnog uznemiravanja i uznemiravanja u BiH (predlagač: Ministarstvo za ljudska prava i izbjeglice BiH);
4. Ostala pitanja.

Ad. 1. Usvajanje Zapisnika 9. sjednice Komisije

Zapisnik 9. sjednice Komisije usvojen je bez primjedbi, jednoglasno.

Ad. 2. Izvještaj o učešću Mirjane Malić na Završnoj konferenciji parlamentarne dimenzije Kampanje Vijeća Evrope o borbi protiv nasilja nad ženama, uključujući nasilje u porodici, Beč, 30.aprila 2008., rasprava i donošenje zaključaka

O Izvještaju dostavljenom u pisanoj formi govorila je Mirjana Malić i naznačila njegove najvažnije aspekte. Obrazložila je prijedlog zaključaka koje bi Komisija trebalo da usvoji u vezi sa Izvještajem i Kampanjom Vijeća Evrope o borbi protiv nasilja nad ženama, uključujući nasilje u porodici.

Članovi Komisije podržali su u raspravi Izvještaj Mirjane Malić, pa su, na prijedlog predsjedavajućeg Komisije, jednoglasno usvojeni sljedeći

ZAKLJUČCI

1. Komisija je razmatrala i prihvatila Izvještaj o učešću Mirjane Malić na Završnoj konferenciji parlamentarne dimenzije Kampanje Vijeća Evrope u borbi protiv nasilja nad ženama, uključujući nasilje u porodici, u Beču, 30. aprila 2008. godine;
2. Komisija konstatira da je učešće gender institucija u Bosni i Hercegovini u kampanji Vijeća Evrope bilo uspješno, ali da je potrebno nastaviti aktivnosti kako bi se popravilo stanje u ovoj oblasti, te još jednom poziva na provođenje Rezolucije Parlamentarne skupštine BiH o borbi protiv nasilja nad ženama u porodici ("Sl. glasnik BiH", br. 15/08);
3. 1. Konstatira se da od sedam ključnih mjera iz Rezolucije Vijeća Evrope 1582 (2007.), prema kojima je ocjenjivano stanje u pojedinoj zemlji, Bosna i Hercegovina u potpunosti ispunjava zadate kriterije i standarde VE u pogledu mjera inkriminiranja nasilja u porodici, uključujući i silovanje u braku kao krivično djelo, te zakonske mjere i postupke za uklanjanje nasilnika iz porodice i mjere protiv njih.
3. 2. U pogledu mjere koja se odnosi na propisivanje krivičnog djela nasilja nad bivšim partnerom, kao kvalificiranog oblika krivičnog djela nasilja u porodici, potrebno je dopuniti entitetske zakone i zakon Brčko Distrikta BiH o nasilju u porodici.
3. 3. Tri mjere u kojima Bosna i Hercegovina djelimično ili nedovoljno ispunjava standarde Vijeća Evrope odnose se na osiguranje dovoljnog broja mjesta u "sigurnim kućama", jer mi osiguravamo jedno mjesto na približno 13.600 stanovnika, a standard je jedno mjesto na 7.500 stanovnika.
Također, standard za izdvajanje budžetskih sredstava za borbu protiv nasilja nad ženama iznosi 1 euro po stanovniku, u čemu značajno zaostajemo; a nedovoljno dobro stanje je i u pogledu efikasnog pristupa žrtvama nasilja u porodici u domaćim sudovima i zaštite žrtava.
Na kraju bi trebalo raditi i na uspostavljanju mjera za bolje praćenje primjene zakona kojima se sankcionira nasilje u porodici.
4. Ministarstvo za ljudska prava i izbjeglice BiH, pri izradi Strategije prevencije i borbe protiv nasilja u porodici, nasilja na osnovu spola, seksualnog uznemiravanja i uznemiravanja u BiH, treba predvidjeti sistemske mjere kojima će se postići ispunjavanje standarda Vijeća Evrope u borbi protiv nasilja u porodici, navedene u prethodnom zaključku.
5. Članovima oba doma PSBiH kao i ostalim nadležnim institucijama i organizacijama bit će dostavljen set materijala koji se odnose na kampanju Vijeća Evrope u borbi protiv nasilja nad ženama, uključujući nasilje u porodici, kako bi se upoznali o stanju u Bosni i Hercegovini i standardima Vijeća Evrope. Ovaj set materijala sadržavat će: Zaključke Komisije za ostvarivanje ravnopravnosti spolova; Upitnik Komiteta VE s podacima za BiH; Rezoluciju VE 1582 (2007); Rezoluciju PSBiH o borbi protiv nasilja nad ženama u porodici i Bečku deklaraciju „Parlamenti treba da djeluju odmah kako bi zaustavili nasilje u porodici“, usvojenu na Završnoj konferenciji parlamentarne dimenzije Kampanje Vijeća Evrope u borbi protiv nasilja nad ženama, uključujući nasilje u porodici, u Beču, 30. aprila 2008.

Ad. 3. Imenovanje članova Interresorne radne grupe za izradu Strategije prevencije i borbe protiv nasilja u porodici, nasilja na osnovu spola, seksualnog uznemiravanja i uznemiravanja u BiH (predlagač: Ministarstvo za ljudska prava i izbjeglice BiH)

O prijedlogu Ministarstva za ljudska prava i izbjeglice BiH za imenovanje dva člana ove komisije u Interresornu ekspertnu radnu grupu za izradu Strategije prevencije i borbe protiv nasilja u porodici, nasilja na osnovu spola, seksualnog uznemiravanja i uznemiravanja u BiH članove Komisije upoznao je Vinko Zorić, pa je prihvaćen prijedlog Ministarstva i u Interresornu ekspertnu radnu grupu za izradu Strategije prevencije i borbe protiv nasilja u porodici, nasilja na osnovu spola, seksualnog uznemiravanja i uznemiravanja u BiH imenovani su Mirjana Malić, član Komisije, i Davorin Semenik, sekretar Komisije.

Ad. 4. Ostala pitanja

a) Posjeta Parlamentu Kraljevine Švedske

Članovi Komisije upoznati su o dopisu Ministarstva vanjskih poslova BiH o dva predložena termina u septembru 2008. za posjetu naše komisije Parlamentu Kraljevine Švedske. Nakon kraće rasprave odlučeno je da se, zbog izborne kampanje za jesenje lokalne izbore u BiH, prihvati termin u sedmici od 22. septembra 2008.

Također je odlučeno da u ovu posjetu putuje pet članova Komisije i njen sekretar, a da će delegacija biti imenovana nakon saglasnosti Kolegija Predstavničkog doma, te da sekretar nastavi s pripremama.

b) Informacija o posjeti Odboru jednakih mogućnosti Narodne skupštine Republike Srpske

Usmenu informaciju o posjeti Odboru jednakih mogućnosti Narodne skupštine Republike Srpske, 22. 5. 2008., podnijela je šef naše delegacije Mirjana Malić, naglašavajući da je cilj posjete bio upoznavanje s aktivnostima dvije komisije, kao i dogovor o koordiniranju zajedničkih budućih aktivnosti, što je u potpunosti i postignuto.

Informacija je primljena k znanju, nakon čega je sekretar informirao prisutne da su u toku i pripreme za sastanak i s gender komisijom u Parlamentu Federacije BiH.

Nakon što je realiziran dnevni red, sjednica je završena u 11,30 sati.

Sekretar Komisije

Davorin Semenik

Predsjedavajući Komisije

Vinko Zorić